



Vom Tag zu Hagenaw : zwen verdeutschte Sendbriefe eins Thummdechants und eins weysen bescheyden Thummherrns.

<https://hdl.handle.net/1874/404599>

5

Vom tag zu Hagenaw

Zwen verdeutschte Sendbriefe / eins
Thumdechants vnd eins weysen
bescheidenen Thumherrns.

7
17
Wolffgang, in der Hand

Wolffgang, in der Hand
Wolffgang, in der Hand
Wolffgang, in der Hand

M Ein freuntlichen grus / amper

bietung aller dienst vnd guten willens zuno:
freundlicher lieber herr vñ hunder / Ich weis
wie ir nun alle tag ein verlangen habt nach
meim schreiben / auff dz ir möcht wissen / was

man hie zu Hagenaw mache. So solt ir nun wissen / dz mā we
nig gnug machet / aus der vsach / dz die Fürste so hieher beichi
den etwas lang verziehen. Es solten auff den Sontag Trinita
tis Königlische May. sampt den vier Churfürsten am Rhein /
die Herzogen von Beyren vñ Braunschweig / 8 Bischoff von
Wyrzburg / Bāberg / Strassburg / Augspurg / Eystat / Speir
neben andern Fürste vñ Stende / so die gehorsamen heysen /
personlich antomen sein. Aber bis auff disen tag hat sich keiner
gefunden / den Herzog Erich vō Braunschweig vñ 8 Bischoff
von Augspurg. Der vō Speir ist wol hie gewest / aber weil er
sonst niemant fand / besorget er des vnkostens / vnd zog wider
anheims. Man versihet sich aber dannoch er werden mit dem
Pfaltzgraffen wider komen. Darnach ist Kön. May. komen /
vnd hat mit sich bracht den aller gelersten Bischoff von Wien
Johan Faber / den von Trient / vnd des Papssts Legaten den
Bischoff von Mutina / den rhümet man / er sey auch ser ein ge
lertter man / aber nit in der heiligen Schrifft.

On zweiffel aber begert ir zu wissen / was die / so es mit der
Kömischen Kirchen halten / für hoffnung haben / dz hie sol aus
gericht werden / Da solt ir wissen das wir alle von hertzen er
schrocken vnd vns ymmer besorget haben. Keys. vnd König.
Mayesteten wurden den Luterischen platz geben / mit vns zu
disputiren / vñ in einer offentlichen audieng ir kegerische giffte
ausschütten / vnd alsdān mittel vñ weg suchen / das wir / so der
Christlichen Kirchen anhangē / mit den Kezern müsten fryde
halten. Aber die reine Juncfraw Maria / welche alzeit alle ke
berereii hat gedempffet / ist auff vnser seyten gewest / das wir
nun mer hoffen Keis. vñ König. Mayesteten werden sich eins
bessern berathen / vnd bedencken was sie dem Stul zu Rom

verpflichtet sind/das sie/on bewilligūg vnser̄s aller Heiligsten
vatters des Bapsts/solchen Keyern vnd rōtten/in keinen weg
erlauben sollen/das sie von Artickeln des Christlichen glaub̄es
vnd den heiligen sätzen der Christlichen Kirchen/disputir̄n
wolt̄en. Deñ / wie auch die Keyserlichen Recht sagen/kan es
nimmer mer on nachteil der heiligen Concilien vnd Synoden/
geschehen/wo man dz/so schon ein mal geört̄ert vñ beschloffen
ist/von neuem solt fürnem̄en/vñ öffentlich davon disputir̄n
lassen. So haben wir in dem Apostolischen vnd Geistlichen
Rechten vil Regeln/welche sich alle dahin ziehen/man sol/ on
bewilligūg des Bapsts/kein Concili haltē. Vñ zwar ist dise sa
che ein gemeine sache/wie wolt es sich dan schicken/dz erliche vñ
wenig Teutschen/dauon handeln vñ ein endrung machē soltē.

Man will für war sagen / der aller Heiligst Vater wölle
ein General Concili zu Metz außschreiben / Ist es war / so ist̄s
mir von hertzen leyd/hoff gleich wol/ wo es schon war wer / es
solt democh nichts draus werden. Deñ als es nit̄ch ansihet / so
wirt dis des Bapsts anschlag sein/das er also den Keyser will
auffziehen/auff das er den Luterischen kein Nacional Concili
zulassen soll/wie sie deñ Begeren vnd mit ernst suchen. Deñ das
Consistorium zu Rom wirdt on zweiffel weiser sein/ deñ das
es in ein General Concili bewilligen/ vñ dasselb außschreiben/
vnd halten solt. Visach / man findet bey allen Königen vnd
Fürsten vil/die entweder gar Luterisch/ oder doch zum wenig
sten den Luterischen nit̄ gar feindt sind. So ist on das kein Ley
den Pfaffen holt/darumb wirt es nimmer mer für die Pfaf
fen sein/das man ein Concili wolt halten. Das möcht wol sein
der meiste teil möchten wol der Luterischen ler nicht annemen/
nichts destweniger aber wurden sie auch dauon disputir̄n / das
man die Geistlicheit reformiren soll. Nun ist es dem Besp̄tli
chen gewalt/on das/entgegen/den vnterthanen erlauben/das
sie Concilia mögen halten. Der Bapst ist vber alle Concilia /
vnd mag das so in Concilien beschloffen/zu ruck treiben vñ ab
thun. Was wer es nun von nöten/das man vmb wenig Ke
ger willen/souil Land vnd Leut bemühen/vnd sich dem Conci
lio

lio wolt vnterthenig machen/sonderlichen weil dise Ketzer für
nemlich sich darumb annemen / wie sie dem Bapst seinen ge-
walt entziehen mögen. So findet man auch all gereidt etliche
Bischoff vnd Fürsten vnter vns / die man doch für glider der
Christlichen Kirchen helt / den es von hertzen wee thut/ dz der
Bapst so mechtig ist. Aus disen vsachen/werden die Bischoffe
so dem Bapst schuldig trew zu leisten/gedencken/vñ nit vnter
den vögeln sind/die in ir eygen nest schmeissen/ Bey Keyß.vnd
König. May. auch andern Fürsten vnd Stenden anhalten/dz
man den Luterischen weder ein General noch Nacional Con-
cili zulassen sol/noch einiche andere öffentliche handlung.

Wo sie aber jnen ein zeitlang etwas nachgeben wolten (so
fern dasselb on nachteil der Kirchen/vñ sonderlich der Geistli-
cheit beschehen kan) dz man in dasselb mit kurzen worten für-
halte/vñ in allem andern gebiete/ das sie schuldigen gehorsam
halten. Als wen es beschlossen wurde/dz man jnen den brauch
beder gestalt des Sacraments zu lassen/vñ mit iren Priestern
der Le halb dispensiren wolt / sol solchs also geschehen/ das es
nur auff die gehe se yez weiber haben / Die aber so keine habē/
das sie füranhin auch keine nemen sollen/vnd das sie solche di-
spensation vñ erlaubung vom aller heiligsten vater außbittē/
vñ darnach sich wid zum gehorsam der Christliche Kirche thū.
Solche dispensation möchte Bepfliche heiligkeit jnen aus für
bit Keyß. May. vergebens vñ vñ sonst geben/doch dz sie ein ge
wisse anzal kriegshuolck wid den Türckē müsten haltē/Wo aber
die Luterische solche gnad nit woltē mit dancksagung annemē/
das als dan Keyser vnd König sampt allen andern Christliche
Fürsten vñ Stenden mit dem schwert an sie setzen/vnd sie mit
dem eysern zeppter zum gehorsam treiben. Wolan die zeit wirt
vns bald weisen/was draus werdē wolle/wo als dan die hand
lung angehet/wil ich euch ferner dauon anzeigē. Damit Gott
befolhen/vñ grüßet mir den herrn Custos. Itē herrn Quirin
sampt seiner Elfen/wir habē hie keinen Rindawer/sond gro
be Elffesser vñ saure Hagenawer. Datum Hagenaw am drit-
ten nach Corporis Christi. 1540.

N.N. Dechant.

M Ein freundlichen gruß zuvor/
Erwirdiget lieber Herr Dechant/wir habē
ewer herlichkeiten schreiben vnter einander
in der gesellschaft verlesen / vnd bedanken
vns alle auff das freundlichst / das ir an vns

als ewere gute freund gedacht / vnd was bey euch bissher mer
gehoffet den gehandelt ist / vns anzeigt habt / Vnd das ir ja in
werck mögt spüren / wie der gangē gesellschaft ein sonder wol-
gefalle dran geschehen sey / Haben sie mir alle mit fleis befoh-
len / euch wider zu schreiben / weldhs ich den gern vñ willig mich
gegen inen zutun verpflichtet / vnd ewerm diener dise schrifft
wiewol in eyl / gestellet / oberantwortet hab. Ich bit aber Ehr-
wirdiger lieber herr / ir wolts in besten annehmen / das ich erch
mein meinung / etwas mit freyen worten / on alle schein / ent-
deck / wie wir sonst vnter einander vber tisch vnd in Collacien
pflegen. Den es begibt sich oft aus irthumb / oft aus wol be-
dachtem rath / das wir nit alweg mit einander gleich stimmen /
doch in dem (hoff ich) stimmen wir zusam / dz Königliche May.
darnach auch die andern gehorsamē Fürsten / nit vnbillich dar
vmb zürnen / das es nach irem fürsclag nit geradten / vnd eili-
che so langsam zur handlung kommen / an welcher sonderlich
vil gelegen ist / vnd gewislich wirt vns der Türck mit lang also
zu tagen / raum noch ruhe lassen.

Will aber ewer Erwird nit bergen / was wir beim herren
Cantore vor dreyen tagen auff einer gattung von solchem ver-
zug der Fürsten disputirt haben / Es waren aber dabey zwen
vom Adel / auß dem Hoff / welchen ewer Erwird sonderlich
für andere pfleget zu preisen . Als sie nun höreren / dz yederman
den Fürsten so groß vnrecht gab / so nit persönlich erschienen
waren / vertedingten hies / vnd stunden darauff / wen gleych die
selben Fürsten gar nicht kemen / das sie es guten fug vnd red-
liche visachen hetten . Den sie sagten / das des Reichs gewon-
heit vñ ordnung nach / in weit geringern sachen den dise ist / vñ
die nit sonil fahr auff inen hetten / Reichstage außgeschriben
vnd

vnd gehalten weren worden / Solchs weil es mit grossen nach-
teil des ganzen Reichs nun etliche jar mit beschehen/hette man
yret ein solche weis zu handeln.fürgenomē/das es nit möglich
ist / das man der sachen mit helfen / vnd ganzent Teutschen
land zu nutz handeln könne. Ursach / der Religion/ auch der
Kirchen guter halb/hange es dermassen vnter allen Stenden
in einander/das es vnmöglich sey etwas fruchtbars darin zu-
handlen/wo nit ein ganze Reichs versammlung bey einander
sey/vnd ein gemeine verwilligung aller Stende. Warumb
wolt man den grossen vnd vnnutzen vnkosten drauff wenden/
vñ ein neue handlung/nit on nachteil der freyheit so die Teut-
schen bissher gehabt / anfangen? In summa / die Fürsten so
men vñ dem Reich/ordenlicher weis/zum besten wolten hand-
len/soltens nicht thun.

Auff dise reden antworten wir/nach dem wir von Hoff bee-
richtet waren/nemlich/Keis.May. wer bis heran mit grossen
gescheyten beladen vnd verhindert gewest / das sie nit ehe zur
sachē thun/auch nit raum gehabt/das man ein vollen Reichs
tag het können ansetzen/vñ das es in etliche weg vil besser sey/
zuvor mit etlichen den fürnemsten Fürsten davon zu handeln/
ehe die sache zum Reichs tage gelange. Aber die zwen vom
Adel/trungen ymmer darauff/es wer an diser sachē weit mer
gelegen/den an allen andern hendlen. Darumb das dise / der
Religion handlung/gantz Teutschland betreffe/vnd nun ein
lange zeit sey angestandē/derhalbē könne man ye keinen schein
fürwenden/das bis her kein Tag gehalten noch aufgeschriebē
sey/wie vor einem jar/auff dem Franckfortischen tag vō Kei-
May. bewilliget sey. Nun wir kondten wider solche einred
nichts auffbringen/Beharreten aber gleichwol auffdem / Die
Fürsten/ so aussen bliben/ weren noch nit genug entschuldigt/
das sie/mit ein solchen ernst von Key.May erfordert/in einer
solchen wichtigen sachen/zu König.May sich nicht gefunden
hettē/den ye mer der verzug beschwerlich vnd dem gangent
Teutschen land nachteilig sey / ye mer wölle es den Fürsten/so
des Teutschen lands glück vñ wolfart mit fleis suchen gebürn/
das

Das man noch in zeiten darzu thue/ vnd nach mittel gedende/
wie man alle sachen möge zum Friden bringen/ Vnd ob gleich
bisher in solchem thun mißhandlet/ so sey doch dem selben bas
zu helfen/ weñ sie selb gegewertig sein/ den weñ sie aussen bley
ben. Also sehen ewer Erwirde/ das wir gleich einerley mey
nung haben/ von dem das erlich Fürsten nit erscheinen seind/
ich hab aber gleich wol yetzt nit alles wöllen melden/ was an
der leut da von halten vnd sagen.

Aber im andern stuck/ ob man der sachen durch ein Natio
nal Concili helfen sol/ in welchem alle Stende Teutscher Na
tion zusam kommen/ vnd von der Religion disputiren/ vñ mit
tel des frydes suchen sollen / will ich ewer Erwirde nichts ber
gen/ das ichs gar nicht mit euch halte/ wie deñ ewer Erwirde
weyß/ dz wir eben dis artickels halb/ alweg sein stößig gewest/
In dem halte ichs wol mit ewer Erwirde/ das kein General
Concili werd gehalten werde. Aber die vrsachen das ewer Er
wirde/ euch gefallen lassen/ gefallen mir lauters nit. Deñ von
General Concili/ oder einer offentlichē handlung mit den Lu
terischen/ ist dis ewer Erwirde meinung/ man sol jnen der gley
chen gar nichts zu lassen/ deñ solchs sey vns / den Geistlichen/
gar nachteilig/ neben dem das mans juen auch mit recht wol
wegern vñ abschlagen kan. Wiewol es aber vnser person halb
vns anderst nit wil zimien/ deñ das wir ee zu bedencken schuldig
seind/ was recht vnd billich/ deñ was vns nutz vnd gelegen sein
wölle/ So wille ich doch bey der ordnung bleiben/ so ewer Er
wirde in irem schreiben gehalten/ vnd erstlich von dem disputa
ren/ ob es vns nützer sey/ das man den Luterischen ein Natio
nal Concili zulassen/ oder sonst einen Tage ansetzen sol/ das sie
ir sachen frey offentlich handeln/ vnd vnser auff gütige frides
handlung denden mögen/ oder das man on alle vorhandlung
als bald in sie mit dem schwert fallen soll.

Dis leret die natur alle menschen/ das yederman fürnem
lich das begert vnd sucht/ wie er sein leib/ leßen/ gut/ vnd was
er hat/ mög in Friden erhalten vnd gesichert werde. Aus disem
volgt weiter/ das alles ehlich vnd recht sey/ was zu erhaltung
vnser

vnser standts vnd wesens dienet/das die Luterischen nit in
vns fallen/sonder vns vnd das vnser zu fryden lassen. Die soll
nun ewer Erwyrd den zorn/so sie wider die Luterischen gefas
set/sich nicht irren lassen/sonder mit fleis bedenckē/wie es mit
vns stehe / Widerumb wie weit die Luterischen ir sachen ge
bracht/wie sie sich gestercket/vñ das glück inen bisher angehan
gen/Sürnemlich aber/was dise/so vns in diser sach schützen sol
len/wöllten vnd inen vertrauen aufzurichten. Deñ das ewer
Erwird den weg fürschlagen/man sol den Luterischen ein we
nig/doch on vnserm schaden/nachlassen/ das sie in anderm sich
widerumb an den gehorsam des Papsst begeben/ wo sie aber
solchs nit annemē/dz man als bald sie vberziehen soll / Dis be
sorg ich/werd yetz zur zeit nit so leichtlich mögen geschēhē/ wie
es ewr Erwird/vnserm stand vñ wesen zu gut/für leicht achtē
vnd fürschlagen. Ursach/ewer Erwird sehen/ wie es alle tag
mit vns ye lenger ye bawfelliger wirdt. Gelerte leut haben wir
nicht/so findet man wenig erbarkeit noch tugēt bey vns. Das
aber/so on das alle menschen an vns hassen/machen wir gar
zuuil/was man in der Kirchen thun soll/sihet yederman/ das
es vns selb kein ernst ist. Widerumb/ligt es alles auff das vn
uerschamptest / ob dem schwelgen/fressen/sauffen/spilen/hu
ren ꝛ. das ist vnser geistliches fürnembstes wesen.

Nun will ichs sagen/als fragte Got nach solchem vnserm
gotlosen leben nichts/wolt es auch nicht straffen/als wer es al
les nichts was die Schrifft troet/denen so im Kirchen ampt
nachlessig seind(ich schweig deren die so gotlas vnd yederman
ergerlich seindt)vnd das Gott heutigs tags bösen Buben gne
diger sey deñ er vorzeiten gewest / Jedoch wo gleich disem al
lem also wer/weyl von natur alle menschen der vntugent vnd
sonderlich den faulen heyllosen leuten/so der Kirchen güter so
schentdlich verdempffen vnd vmbingen / seind sindt / wirdt
es sich doch der tag eins finden/dz auch die/zu dem wir die hof
nung haben/das sie vns schützen vnd schirmen sollen / in vns
fallen/vnd vns plündern werden/sonderlich weil wir selb des
Kirchen ampts/so vns bisher vor allem gewalt beschützet / so

B

vnfleissig

vnfleissig warten/ Den hie zu heiffen nit allein die Luterischen mit irem schelten/wir selb helffen dazu / das wir so schandelich vnd vngotßfürchtig mit dem Kirchen dienst vmbgehn/ Neben dem das on das an allen Fürsten höfen/yederman vns vnß vnserß Gottes diensts spottet vnd verachtet.

Darumb/ weñ wir vns vnß vnser wesen mit fleis ansehen/ so befinden wir / das dis alle tag bey vns mit hauffen wechsß/ vmb welchs willen die leut vns werdt achten/ das yederman vns feind sein/ vnd das vnser rauben vnd plündern sol. Das wir also wo gleich Gottes zorn vber vns nicht wer / dannoch anders nit döiffen hoffen/den das eben die/welche wir für vnserre beste schugherrn achten / selb in vns fallen/ vns würgen vnd das vnser raubē werden. Wie aber die andern gegen vns geminet/vnd was ir vermögen sey/ erfahren wir teglichen / ist nit not vil dauon zuschreiben.

Nun wöllen wir yetzt auch den Luterischen hauffen besehen/sie seyen gleich wie sie wöllen/ so siset man dannoch das die fürnembsten Fürsten heuser in gangē Teutschen land mit jnen/entweder verbunden/oder sonst jnen zugethon vnd verwont sind/zum teil gang/zum theil nit gang. Erstlich ist das gang haus von Sachsen mit jnen im bund. Das haus von Bayrn/ist in zum theil nit feind / vnd ich wolt schir sagen / es wer kein Fürst aus dem haus von Bayrn/der da wolt das die Luterischen solten vmbkommen vnd vertilget werden. Der Churfürst von Brandenburg / ob er gleich nit mit den Luterischen im bund ist/so helt er dennoch in seim gangē gebiet gleyche Kirchenordnüg vnß ler mit den Luterischē. Vnter den herzogon von Braunschweig/ist keiner der den Luterischē von herzen vbel wolt/den Herzog Heinrich/der andern sind auch etliche mit jnen in bündnus. Nun der Herzog von Cleue/wirdt ye seim lieben schwager/dem Churfürsten von Sachsen / vnd seiner schwester kiden nichts arges gedenden/vil weniger da zu helffen wöllen/ das man sie vberzihe vnd vmbbringe. Der Herzogon von Pommern/Wirtenberg/vnß Hessen/ob hentrigs tags gleich wenig sind/ so sind sie doch mit eins kleinem vermögen

gens/sonderlich wo man iren anhang wil ansehen. Der Kö-
nig von Dänmarck ist nur zumil Luterisch / vñ sitz in ein gros-
sen vermögen / vnd hat ein vberschwendlich groß glück. Was
nun anderer Fürsten / Grafen vnd Stende in Teutschem land
seind / Lieber wiewil sind ir die es mit den Luterischen nicht hal-
ten / gegen denen / so entweder mit jnen im bündtnus / oder / ja
jnen nicht seind sindt? Ja wo ist ein gewaltige Statt im gan-
zen Teutschen land (eine oder zwo außgenommen) die nit ganz
vnd gar Luterisch sey? Weñ man aber auff den gemeynen
Man will sehen / sihet man das alles Luterisch ist / zum teil dar-
vmb / das man vns vorhin seind ist / zum teil auch darumb / dz
die freyheit den leuten liebet / fürnemlich aber darumb / das die
Luterischen ir ler bas vertedingen / vnd mit ein rechten ernst
dem Kirchen dienst obligen vnd vorstehn.

Nun rechne ewer Erwird selb / was man doch durch die
Teutschen wider die Luterischen werd aufrichten können / Wie
geistlichen fleissen vns der welt gar zu ser / aber widerumb äch-
tet sich die welt vnser eben als wenig / als weñ wir schon gestor-
ben weren. Darumb ob wir gleich mit vnsern leben vnd we-
sen / den leuten kein vsach geben vns seindt zu sein / so wurde
dennoch vns niemant für die halten / vmb welcher willen ye-
mants sich vñ dz seine wolte in fahr setzen vnd wogen. Wolte
man aber die sachen so angreifen / vnd ein frembdes volck in
Teutsch land wider die Luterischē fürē / so ist zubesorgē / solchs
möcht auch denen / so yzt vnsera teils sind / vsach gebē / das sie
zu den Luterischen setzten. Weil nü die Luterischen so mechtig
werden / jnen so ein grossen anhang / auch gunst bey yderman
mit der warheit gemacht habē / können wir warlich nit hoffen
das sie so leicht mögē außgehobē oder gedempfft werden.

Was sol man aber von dem trefflichen grossen glück sa-
gen / das sie haben? Ist es nicht ein wunder Gottes / das der
König von Dänmarck obgefiget / vnd das Königreich erhal-
ten hat? Vnd wer hers jm dürfen vor diser zeyt traumen las-
sen / das die Chur von Brandenburg / vnd das Herzogthumb
Meyssen / welchs sich wol einer Chur gleichet / da die zwo seulē

vnd vnserer fürnemibste Patroni waren / Marggraff Jochim
der elter / vnd Herzog Georg / in so kurzer zeit auch solten Lu
terisch werden: Müssen wir aber nit selb bekennen / dz es nichts
dan gottes zorn vnd vngnad / wider vns geistlichen sey / weñ
wir drian gedencke / wie Herzog Georg / nach dem sein bede sü
ne / on erben abgestorben / alles versucht vnd fürgenomē hat /
das er sein land vn leut beim Bepflichem glaube erhalten / vn
den Luterischen wehren möcht. Aber es hat nit helffen wölle /
ee den er recht zur erden bestattet / ist die Luterisch ler mit aller
macht im land gewesen. Eben also ist es im lād zu Pommeren
auch gangē / das freilich kein Fürst im Reich besser auff vnser
seyten gewesen ist / Aber sein Sun yet / ist ganz vn gar wider
vns. Nun mögen ewer Erwirthen bey sich selb der sachen nach
dencken / wie es mit den Luterischen angefangen / gestigen / vn
zugenomē / Widerumb wie alle vnser anschlege vns ye vnd ye
gefehlet / vnd vnser sach von tag zu tag ist erger worden / das
wirs nicht vñgehen können / wir müssen vns vber dem glück
der Luterischē / ja vber Gotes werck zum höchstē verwundern.

Nun wöllen wir weiter besehen / was die wol zur sachen
wöllen vn mögen thun / welche wir ganz vnserers teils achten /
vnd für vnserer höfte schuzhern rhümen. Keiserlich Maye
stat sampt irem Bruder König Ferdinando / sind wol dem Lu
terischen wesen ganz entgegē / Aber lieber wens zur handlung
solt kommen / wienil meint wol ewr Erwirde / das sie an vns /
inen gefallen lassen vnd loben wurden: Ober das sind sie den
Luterischē verwont / Weil aber on zweiffel / beder gemüt mer
dahin gerichtet ist / wie sie irem vatterland helffen / den durch
krieg dasselb verwüsten mögen / Meynen ewer Erwirde auch
das sie sich yemandt dahin werden hegen lassen / das sie die Lu
terischen außrottē / vn ganz Teutsch land in einen solchen ferli
chen krieg soltē verwickeln / durch welche / es geriet auff welche
seytē es wolt / ganz Teutsch land müst verwüstet werde: Nun
werden sie gleich wol auch dis bedencken / wie sie bede Keyf
vnd Kön. May. für ir person selb auch oft in Tagen / solchs
bewilliget vnd zugesagt haben / man wölle dise Religion sach
nit

nit mit gewalt noch mit dem schwert/sonder ordenlicher weise/
entweder in ein Nacional Concili/od sunst auff ein Reichs
tag/auftragen vnd orton lassen/sintemal ein General Conci
li nit kan gehabt werden. Solches bewilligen vnd zusagen wis
sen ewer Erwidren selb/wie es die Luterischen herfür ziehen/
vnd ymmer drauff arbeiten / das ein Nacional Concili/ oder
ja ein solcher Tag vnd weise zuhandlen werd fürgenomē/ wie
Keiserliche May. vor ein jar zu Franckfurt durch ire May.
Oratorn selb hat angebotten. Nun müssen wir ye bedenden/
das solchs ansuchen der Luterischen nicht gar aus dem weg/
noch vnbillich sey/darumb bringt es jnen auch bey meniglichē
gunst vnd glimpff. Widerumb bringt es vns Geistlichen alle
ungunst vnd vnglimpff / das wir solchs so gar on alle ursach
verhindern/vnd geschicht darumb / das auch die destweniger
zur sachen thun / so sonst von hertzen gern bey vns stehn / vnd
vns vertedingen wolten / Den es ist ein Hauptman / der zu
feld ziehen vnd ein krieg führen soll/billich an dem am meysten
gelegen/das er auch ein ursach zu kriegem haß/der jm yedermā
recht gebe.

Nun wollen wir auch dises setzen/ das die Fürsten hitziger
zum krieg wiß die Luterischen sind den wir selb/vn jnen ganz
vnd gar nichts an einicher verwandtnis des geblüts/nach an
dem gemeynen man / noch an irem eygem zusagen / vnd des
Reichs ordnungen gelegen sey / solchs wollen wir also setzen.
Nichts destweniger sollen wir sie ye nit so nerrisch noch vnbe
sunnen achten/das sie von vnser sachen willen/nit mit fleis be
denckē solten/was jnen aus solchem krieg für nutz oder schaden
entstehn möchte. Ewer Erwyrdde wissen was die Walhen für
ein gespöt aus vns triben haben / das wirs dafür hielten / der
Keyser wurde dem Franzenosen Meyland wider zustellē. Nun
ist es gewis/stellē er jm Meyland nit zu/ das ser ein mißliche
freundschaft zwischen jnen bleiben werd. Desgleichen hören
wir auch/wie man des Türcken halb sich vberaus ser in Wel
schem vnd Teutschem land besorget. Nun müssen es auch an
dere Nacion bekennen/das heutigs tags niemandt wider den
B iij Türcken

Türcken gerüsteter noch besser zu Brauchē sey deñ die Teutsche.
Aber es sey dem allem wie es wolle/wen gleich die Fürsten der
keins bedenden woltē/sonder allein dahin sehen/wie man die
Luterischen dempffen vnd zum gehorsam treiben köndte/vnd
ihn den Fürsten alles darumb zuthun wer / das wir Pfaffen
herrs bliben/vnd mit den Kirchen gütern vnsern pracht trey-
ben/vnd in allen schanden vnd lastern/on alle schew vñ einred
leben möchten / So ist dannoch zubedencken/wie die gesinnet
sind/welcher hilff die Fürsten wider die Luterischen vns zu gut
brauchen müssen. Was meinen doch ewer Erwirde/ das den
selben an der Kirchen gütern vnd gewalt gelegen: Item wie
vil sind ir doch/vnd wie gar kan mans weder stillen noch setti-
gen. Summa summarum/sie selv/die vns schützen sollen / wer-
den die ersten sein so darein platzē werdē/wen man ein mal an
hebt in das vnser zugreifen. Deñ es sein gemeine güter / die
vns nit allein/sonder der Kirchen zustehn/vñ yederman weys
wie vnbillicher weis wirs imen haben vnd genieessen/die wyr
doch für müßige/heyllose / niemandt nuge leut von yederman
gehalten werden. Aus disem allen können nun ewer Erwirde
genugsam abnemen/mit was hertzen vnd willen/die/ so vns
verteidigen sollen/wider die Luterischen kriegen werden.

Zwar / wen ich dis alles bey mir selv mit ernst bewege/in
was ungunst vnd unglück wir schweben. Widerumb wie die
Luterischen mit bundtsgenossen / güten freunden / vnd dem
glück bissher verfasst gewest. Wen ich hernach auch bedendē
Keiserlicher vnd Königlicher Mayestet senffemütigkeit vnd
weißheit/auch deren / so wir zum krieg wider die Luterischen
brauchen müssen / erbarkeit/ vnd bescheidenheit (ich mus die
warheit sagen)so erschrick ich von hertzen/wen ich ewer Erwit-
de/ sampt andern die vnser theils sind/dation hör reden/vnd
dazu rathen/ das man die Luterischen vberziehen soll / vnd
dunckt mich/es sey in alle weg sicherer vnd besser/man handle
mit ihnen auff ein Nacional Concili mit disputiren/ deñ das
mans in ein krieg auffß glück wolt setzen / welchs vns ye vnd
ye bissher entgegen gewest/ Deñ wer will vns des sichern / das
als

als eben yetzt die zeit verhanden sey / das man den Luterischen
wehren vnd was inen abbrechen möge?

Den ob gleich die Luterischen vns nicht holt seind / so sind
sie dennoch auch menschen / vnd werden on zweiffel selb beden
cken / wie ein ferliches fürnemen es sey / wo man der Religion
halben / wolt ein krieg anfahen / vnd zwar wir selb müssen es
bezeugen / das sie etliche mal / sich aller gewaltsamer handlung
willig enthalten / vnd in der Kirchen güter mit griffen haben /
da sie es gleich guten fug vnd wenig zubeforgen hetten / wie
ewer Erwirde wissen / das es etlich mal vns ser hart gelegen /
widerumb sie gar nichts habē wagen döffen. So ist es auch of
fenbar / das sie Keiserliche vnd Königliche May. weit mer
vor augen haben / vnd höher achten / den man inen zurawt.
Item wir sehen dis auch / das sie ire geistligkeit / der sie mechtig
gewest / wo sie anderst selb gewölt habē / ehlich vnd wol gehal
ten haben. Ist es den mit ein gang rüchts vnbillichs fürneme
das wir Geistlichen / weil wir noch solch ruckhalter haben / in
allen ehren vnd gütern sitzen / die sachen ee auff ein krieg / den
ein gütige leidliche vnterhandlung stellen wöllen? Wir ha
ben vnser einkommen vnuerrückt / können auch vnser freunde
schafft / in gleiche wyrden vnd güter nach vns segen / was wol
ten wir vns den zeihen / das wir / so zum ferlichen vnd vngewis
sen krieg / rathen oder helffen solten?

Lieber / was kan es vns doch schaden / wo mā gleich die ler
etwas enderet / so wir doch selb bekennen müssen / wie in vnser
ler so vil lügen sind?

Will man aber den Ceremonien vnd der Messen etwas ab
brechen / so folget ye dz wir hernach destweniger arbeit haben.

Also nimpt man des Papssts gewalt etwas / so wirt man
vns ye destweniger zu Rom schinden können.

So man nit mer will leyden das wir mit vnserm huren le
ben den leuten sollen ergerlich sein / sonder ein yeder sein eygen
Leweib soll haben / ob vns gleich dunckt / solchs möchte vns
ein wenig saur antommen / so ist ye die hoffnung dabey / wir
werdē es nit verbösern / sond ehliche vñ leydlidere weyßer ha
ben!

ben. Deñ wer ein Pfaffen von einer hurn hilfft/der hilfft jn
von sein größten unglück.

Darumb/weil ichs auff die meinung gestellet hab/ das al
les recht/gut/vnd ehlich sey/was zuerhaltung vnser wesen
dienen kan/das wir ein stilles gerutes leben/vnd vnser gewis
ses ehliches einkommen behalten mögen/So acht ich dis für
das best vñ gewishest/das wir/nach vnserm besten vermögē/
in zeitē darnach trachten sollen/wie man mit den Luterischē/
gütliche mittel des fridens treffen möge/es geschehe gleich in
ein Trational Concili/oder auff ein Reichstage. Deñ verge
bens ist/ das man auff ein General Concili wolt warten/ne
ben dem das es vnmüglich ist/das im selben dem fridē zugut
etwas mög gehandelt werden.

Cochleus
Lecius
Faber
Nauser
Wigel

Vnd sicht mich hie nit an/das etliche/welche solcher zwis
spalt mit reichen pfründen genossen habē/wider mich schreyen
werden/Die großen nerrischen vnverschampten Psel/lassen
sich duncken/weyl es ein mal jnen also gelungen/es soll ewig
bleibē/Vnd ob gleich ganz Teutsch land durch ein solch Civi
le bellum solt zu bodē gehn/hoffen sie/man wurde in zu Rom
noch grosse Priesenden zu lon gebē/das sie zu solchem unglück
geraten vnd die leut darauff gehezet hetten.

Wir aber sollen ein anders dencken/wir sind menschē/vñ
sol ye kein ding sey vns mer geltē/deñ wie vnserm vatterland
recht geholffen werde/Wir haben ein grosse freuntschafft/wel
che Teutschem landt wol angestanden vnd oft in mancherley
sachen geholffen hat.

Da sollen wir vns mit höchstem vleis umb annemē/das
die selben/auch in wir den vnd eren erhalten/vnd irem vatter
land zu gut leben mögen/So man aber ye zu kriegen lust het/
wer es ye taussentmal besser/wider die Türcken kriegen/dañ
wider vnser mitsburger vnd blutsverwandten/welche nun
fast gar an den Luterischen hangen/vnd wo es zum Lerman
gereichen solt/sich bey den selben würdē finden lassen. Wer ist
aber so toll vñ töricht/das er in wünschen wolt/dz sie verheret
vnd vmbrecht wurden

Vmb

Vns diser erzelten vrsachen willen/wen wir gleich nit be-
denken wölle/was recht vnd billicheit erfordert/sonder allein
nach dem denken/was vns am besten vnd zu erhaltung vn-
sers guten vnd geruheten lebens am dienstlichsten sey/so mus
ich/wie vorgesagt/schliessen/vñ drauff beharren/das es weit
besser vnd nuzer sey/sich mit den Lutherischen gutlich vertra-
gen wie man ymmer kan/den das wir mit dem schwert vns
wolten ruhe schaffen. Nach solchem freundlichen vertrage sol-
len wir mit höchstem fleiß trachten. Widerumb/krieg vñnd
blutuergiessen sollen wir/als vnser gewistes/größtes vnglück
fliehen. Nun aber können ewer Erwirde selv bedencken/wie
es ytz in Deutsch land ein gelegenheyt hat/das der zweyer ei-
nes/vnd in kütz/geschehen mus/das man entweder disen
span/die Religion betreffent/auff ein Reichs tag durch ein
freundlich gesprech/gütlich vertrag/oder das wir in einander
fallen/vnd ganz Teutschland darob zu boden gehe.

Vrsach/die so im Cammergericht sitzen/haben entweder
vns/oder vil mer inen zu gut/die sachen dermassen erbittert/
vñ sovil handel/welche vileicht die Lutherischen nimmer mer
wöllen ruhen lassen/an sich gezogen/vnd darin iudicirt/vnd
also ettlich vnser teils/so gar auff die Luterischen verbeisset/
das es nicht möglich ist/wo mans nit mit einer ernstern recht-
schaffnen frides handlung vnterkömpf/es mus zum krieg vñ
einer öffentliche vphede gedeyen/Den was sie ein mal iudicirt
haben/werden sie nit bald renocirt. Bleibt dan die erecution
aussen/so wird das Cammergericht dardurch etwas mercklichs
verkleinert.

Vnd wer weiß/ob es den Lutherischen auch alweg wil ge-
legen seyn/also in fahr schweben vnd auff der schockeln sitzen.
Sie werde warlich zu ir gelegen zeyt wissen wöllen/ob mans
vnter den gliedern des Reichs zele/oder für feind haltē wölle/
Den weil noch das Edict zu Wormbs/vnd der Augspurgisch
abschid vorhanden ist/in welchen sie/als die ungehorsamen/
als die Keger vnd Scismatici/in die Acht gethon/vnd ver-
dammt sindt/müssen sie ye gedencken/man halt sie für des
E. mil. Reichs

Reichs feind/ Das man sie aber fridlich bissher hab sitzen lassen/ geschehe auff ein zeitlang/ bis der gegenteil sich dermassen stercke/ dz sie die Luterischen dempffen mögen. Es scheint fast sie die Luterischen werden nit allweg so ungewis sitzen wölle.

Den es ligt in ein grosser unzelicher vnd langwiriger vnkosten auff dem hals / des sie nit geraden können/ wo sie anderst nit wollē obereylet werde/ vñ gar in keiner rüstung noch bereitschafft sitzen. Vber das bewegt sie auch dis/ das inen so oft verheissen vnd zugesagt ist/ das man sie öffentlich hören/ vnd weis vnd weg suchen wolle/ wie die Kirche reformirt vñ zu ruge möge gebracht werde. Solche zusagung seind in noch nit geleyffet/ darumb besorg ich/ es werd nit lang anstehn/ dz die sachen zum krieg lauffen werden/ aus welchem onzweiffel ein verderben des ganzen Teutschen landts volgen muß / wo man nit yetzt oder in einer kurtz dazu thut/ das ein Tag aller Stende angefetzt/ vnd durch gelerte/ fromme/ bescheidne leut ein schlechter richtiger weg gesucht werde / das dise zwispalt der Religion verglichen vñ beygelegt werde. Daruff wan ich Erwyrdiger Herr/ an vns denck/ wer vnd wie wir sind / vnd wie wir vnser ruhigs vnd sanfftes leben erhalten mögen / bekümmert es mich vber die massen ser/ weñ ich ewer Erwyrde vnd andere vernünfftige leut/ höre also von sachen reden/ das sie zu keiner frides handlung lust haben. Das sey nun genug von dem/ was mich dunckt das zu erhaltung vnser geruhetē vnd sanfften lebens am dienlichstē sey.

Nun wöllen wir weiter sehen/ was recht vnd erbar sey/ Erstlich das ewer Erwyrde melden/ die reine iunctfraw Maria/ welche allein alle kezeren gedempffet/ werde bey Kayser vnd König. May. sein vnd verhüten/ das sie iredes vñ pflicht gegen dem Stül zu Rom nit vergessen. Item es könne on nachteil der heiligen Concilien nit beschehen/ wo man auff ein newes von den hendlen/ mit den Kezern/ disputiren wolte/ so zuuor in Concilien geortert vnd iudicirt seind. Das auch das geistliche Recht verbiete / man sol on vorwissen vnd verwilligē des Pappsts weder Generalia noch Nactomalia Concilia halten.

Da

Da sollen ewer Erwirde disen bescheid von wissen / die Fürsten / sampt vns / seind ja dem Papst mit eyd verpflichtet / aber doch / als ein Statthalter Christi / vnd ein nachkümbling Petri / der Kirchen zum besten vnd nit zum nachteil / den was da dienet zur wolhart der Kirchen / reiner ler vñ rechtem Gottes dienst / wider das selb kan vnd soll niemandt sich verpflichten. Nun ist ye das onzweyfelich / das der Kirchen in Teutschland / ja in gangem Europa / hoch von nöten / nutz / vñ gut sey / das die Teutschen sie reformiren / sintemal wir vergebens auff den Papst vnd ein General Concili warten. Dis dunckt mich so nötig sein / wo es nit bald vnd zeitlich geschicht / das weder Kirchen noch Teutschland mög erhalten werden.

Darumb sol weder Keyser noch König / noch yemandt anders / einigen eyd so hoch halten / das man nit darumb ein Nacional Concili wolt ansetzen / ob es gleich mit des Papsts bewilligung nit köndt geschehen / in welchem man / nach dem alten vnd löblichen brauch der Kirchen / von den Artickeln des glaubens vnd der ler handeln / vnd ein gewisse gute Kirchenordnung möcht anrichten / wie zuvor andere gotselige fromme Keiser / von Constantino dem ersten an / bis auff Heinrichum den vierdten / gethon haben / Welche alzumal für sich selb Nacional vnd General Concilia angesetzt vnd gehalten / vnd ent weder selb personlich / oder durch andere ire verordneten / im Concili geseßen / auch allen fleis dahin gewendet haben / das durch die Bischoffe vnd andere geleerte / fromme leut / die ler / vnd eusserliche zucht in der Kirchen wider zu recht bracht wurde. Zu solchem werck braucheten sie nit allein die Bischoffe / vil weniger allerley Bischoff / sonder nur allein dise Bischoff / od auch dise Leyen / welche in der heyligen Schrifft gelert vnd fromm waren / die selben musten in Concilijs zur sachen helfen / orden / örtern / vnd declarirn / was von nöten war.

Das aber weltliche Fürsten / in Concilien selb geseßen / vñ oft selb Concilia gehalten haben / desselben hat sich nie / weder der Bischoff zu Rom / noch andere beschwert / als wolt es der Geystlichen gewalt entgegen / vnd der Kirchen zum nach

teyl sein/sonder haben selb oft die weltlich Oberkeyt darumb
gebeten/vnd die Fürstē creffenlich gelobt/welche sich der Kir-
chen also haben angenommen. Darumb wo noch heutigs tags
Keyser vnd König/als die obersten Schutzhern der Kirchen
in gleichem sal der Kirchen gedenckē zu helfen/vnd ein solche
versamlung fromer vnd gelehrter leut zusā triben/die zur sa-
chen reden vñ rathen könten/vnd selb in solchem Concilij sich
der hendel annemen/ Im selben wurden sie nit allein nit wi-
der jr ampt vnd gelübd handeln/sonder jrem ampt vñnd ge-
lübd können sie nimmer mer gnug thun / sie thun es dan auff
ein solche weyß. Vnd solche handlung würde nit allein des
Römischen Bischoffs vnd anderer wesen vnd stand nichts be-
nemen/sonder jnen bey meniglichen allen gunst vñnd guten
willen machen.

Dis/Erwürdiger liber herr Dechant / wurd ewr erwird
nach dem sonder hohen verstand/mit welchem sie von Gott
begnader/selb leicht erkennen vnd vrteylen können/wo ewr er
wird (wie ich dan oft gebetten vnd vermanet) so fleissig vnd
vil in der heilige Bischoff/Cipriani/Busebij/Ambrosij/Augu-
stini/Basilij/Chrysostomi/Leonis vñ Gregorij büchern lässet/
als in des Wigels/Ecken/Storchen/vnd dergleichen andern
heyllosen leut. Ich hab im anfang vmb laub gebetten/wo ich
etwas rauch mit wortē sein/vñ wie es in mein hertze ist/ frey
heraus sagē wurde/darum wird mit E. Erwird verzeihen.

Tu helt es ewr erwird da für/Solt man den Lutherischē
platz vnd reum geßē zum disputirn/das damit nit allein dem
Besßlichen gewalt/sonder auch den Concilien vil benomen/
vñ sie etwas ser damit geschwechet würden/wie den E. erwir-
de sich auff das Keyserlich Recht referirn. Aber ich wil ewr er
wird nit bergen/das fürnemlich darauff zu sehen ist/was des
Keyseris meynung sey gewesen/da er disen spruch gesezet hat/
vnd wie er in wil verstanden haben. Den der Keyser redt am
selben ort in sonderheyt davon/das man nit gestatten sol/wo
einer vnter den leuten in einer offentlichen versamlung/wider
das disputiren wolt/so zuvor in Concilien recht geurteilt vnd
geord

ge ordnet ist. Nu aber hat es mit den Lutherische diese mainlig
nit/Sie begern nit zu disputirn vnter dem pöfel/sonder in ge
genwert aller Gotsfürchtigen Fürsten vnd Herrn/ vnd vnter
den leuten/so der sachen verstandig/geleert vnd from sind/ Ite
sie wöllen nit disputirn wider das/so in alten Concilien/christ
lich vnd wol geordnet vnd approbirt ist/sonder denselben alte
Christliche Concilien zu gut/wollen sie das mans wider erfür
zihen/annemen/vnd die heutigen zwispalt denselben nach ör
tern sol/auff das der heyligen Schrifft vnd den alten Christli
chen concilien nichts benomen werde.

Vnd hie können sich ewr erwirde erinnern/da wir im ne
chstvergangnem winter die Acta der Concilien durchlesen ha
ben/wie wenig wir darin gefunden haben/das wir zum be
helff/wider die Lutherischen/vns damit zu schützen/brauch
en hetten mögen/Widerumb/ist des vnzelich vil gewest/so
fast vnser ganges thun/verdampft vnd für vnrecht vrtylet.

Dan so wir auff die ler wollen sehen/so findet man kein
Symbolum noch bekantnus/in den alten Concilien gestellet
welches die Lutherischen nit mit vns/rein vnd lauter halten
vnd bekennen.

Das aber die Lutherischen von d Gnad/Glauben vñ dem
Verdienst leren/dasselb haben wir gelesen/das es im Africa
no Concilio mit lautern hellen worten beschlossen ist/wie dan
ewr erwirde dazumal drob schyen/sie weren im selben Conci
lio auch Lutherisch gewest.

Was aber die Sacrament vnd ander Ceremonien belan
get/ist dermassen in Concilijs gehandelt/vnd so ganz vñ gar
für die Luterischen/vnd wider vns/das ewr erwirde selb der
Suphisten vnd Theologen vñuerschambre lägen vnd blinde
tünheyt/nit gnugsam verfluchen noch schelten kondt/das sie
durffen schreyen/die Lutherischen verwerffen alle ordnung vñ
Ceremonien/welche von den heyligen Concilien geordnet/vñ
von den Vetern vnd der Kirchen vil hundert jar her sind ge
halten worde. Den ewr erwirde (wie sie sich noch erinnern kön
nen) sagt/vnd redet recht daran/es gieng den Papisten mit

den allegirten Concilien ebe/wieder zigen/die nach ein messer
sucht/da man ir den hals mit solt abstechen. Ursach/man treibet
mit solchem schreyen die Lutherischen dahin/ das sie deß
fleissiger die alten Concilia/ vnd der heyligen Vetter bücher
durchsuchen/vnd an tag bringen/das sie alsdañ vns eben mit
dem messer den hals abstechen/das wir in gewissen haben/ ja
zu welchem wir sie treyben vnd dungen/das sie es in die hand
nemen vnd sich damit wehren.

Nun sag mir doch ewr erwid/was ist es dz die Lutherische
heutig tags in 8 Mess vñ der gangen handlung des Sacra
ments des altars straffen/welches nit znuor die alten Concilia
darnach die heyligen veter/bede/mit büchern/vnd im brauch
gestrafft vnd verworffen haben. Dañ also ist es am ersten ge
ordnet/vnd hernach von den heyligen vetter gehalten/wie
deñ ewr erwid solichs in den hendlen der Concilien gesehen
auch aus etlichen orten der Kirchen Historien vnd der heyligē
vetter schrifftten offenbar ist/vnd beweyset mag werden/ das
die Messen allein für dem volck/vnd nur eine jnen allen / auch
nit in gemein / sonder allein den heiligen sol gehalten werde.
Deñ man schluß von der Messen aus/ nit allein die so in of
fen schanden lebten/ Item nicht allein die Catechumenos/so
man noch im Christlichen glauben vnterweyset/vnd Euerge
menos/so darin vnterweisen/vnd yetzt solten angenommen wer
den/Sonder man schlusse auch die aus der gemein/weñ man
Messen hielt / oder das Sacrament des altars auftheilet/so
sich von sünden bekeret/vnd an die Buße begeben / aber doch
die zeit der buß noch nit hetten außgehalten. Item es mag
bewisen werden/das man das Sacrament des leibs vñ bluts
Christi/in der gemein allen Christen ganz/vnd nit allein den
Pfaffen hab außgeteilet. Item es kan larter vñ clar bewisen
werden/das sie die Lectiones/lobgesang/vnd anders/dz man
in der Kirché öffentlich hat handeln müssen/alles in 8 sprach
gehandlet hat/die dem gemeinen man bekant gewesen/vnd dz
volck drauff geantworet hat / Amen.

Aber Erwidiger lieber Herr/ich mach es eben lang mit
disen

difem schreiben/gleich wol wer der alten Concilien Acta/ vnd heiligen Väter Bücher gelesen hat / der muß bekennen / das vnser ding gang vñ gar nichts sich reumet mit d' altē Kirchè.

Wer nun die sach weiter ziehen / vnd auch nach dem sich wolt umbsehen / was sie / die alten / von dem beruff zum Kirchen ampt / vnd dem ordinir / Item von der zucht vnd wesen der Geistlichen (wie wirs nennen) gesetzet haben / der würde on zweiffel befinden / das weñ vnser tausent bey einander weren / kaum einer möchte erfunden werde / der sein stand in der Kirchen behalten köndt / so man anders den alten rechten vñ gewissen Canonibus (auff die wir vns so hoch vnd vil beruffen) volgen wolt.

Was aber von dem / das die Pfaffen keine weiber haben sollen / auch von der ernsten Buß / so den öffentlichen sündern auffgelegt ist worden / geschubē / Ist es wol war / das er ser wider die Luterischen ist / Aber ewer Erwirde soll auch dis bedencken / weñ man den selben satzungen nach wolt / so köndt vnser keiner in der Kirchen geduldet werden. Vrsach / die selben Canones wollen keinen dulden der ein weib vmb sich hat / sie sey den sein muter oder Schwester. Die aber so einigē argwon der hurerey auff inen haben / die schliessen die selben Canones gar aus der Kirchen / Vnd was sag ich von solchen huren jegern / sie duldē auch nit / die so bretspiler oder jeger sind / Vñ fordern neben dem auch ein solche ernste zucht vnd erbarn wandel / dz wann wirs halten müsten / köndten wir vnser leben für kein leben achten. Dis weis ewer Erwirde eben so wol als ich / darumb sind auch ewer Erwirde ser vbel auff den Mönchen zu friden gewest / der alle Acta vnd hendel der Concilien zu samt vnd in truck gebracht hat.

Darumb Erwürdiger günstiger lieber herr / weñ die Luterischen begeren / das man von den sachen vnd Articlen handeln / vñ sie hören sol / dauon yetz der streit ist / vnd wir in (wie ewer Erwirde meynen) antworten wolten / solchs köndte on nachteil der heiligen Concilien nit geschehen / weñ man aller erst von dem disputirn wolt / das zuvor in Concilien wol vnd
recht

recht beschlossen ist. Meynen ewr Erwirde nit/sie wurden also
so antworten/das sie in keinen weg wider das disputiren wol-
ten/das in Concilien recht vnd nutzbarlich beschlossen sey/ son-
der/wo wider solchen beschluß der rechtschaffnen Concilien
von vnserm theyl gehandelt ist/das man dasselß abthun/vñ
das yhenige wider auffrichten solt. Da würdē sie den allererst
guten fug haben/das sie der gantzen welt anzeigen/wie wir
gar nichts von den alten Concilien gehalten/vnd all vnser we-
sen vnd thun/wider dieselben gerichtet sey. Was aber daselß
für ein vngunst bey yderman/sonderlich bey dem auffrürische
gesind/so vns on das nit holdt ist/machen würdē/kan ewr Er
wyrd leicht verftehn/den disen fehl hat es gemeinglich mit
den lenten/ob sie gleich selb strefflich seind/das sie dennoch nie-
mandt nichts wöllen zu gut halten.

Derhalben laßt vns ja mit solchen außreden vnuerworen
bleiben/es sey denn sach/das wir nach vnserm eygen vnglück
geen grübeln wöllen/ Den was die alten Canones/darnach
der werlichen Obriqkeit sargungen/von der Kirche brauch vñ
personen ordnen/ist yetzt weyt weyt mer leuten bekandt den
zuuor. Vber das ist vnser Religion gar in keinem ansehē noch
wyrdē mer. Item die leut wöllen sich mit nichten anderst/
den mit der Schafft vnd reynen gegründten ler stillen lassen/
Darumb will es mit dem sich nicht außrichten lassen/dz wir
wolten sagen/dis ist recht/das ist vnrecht/man muß es auch
bewysen/mit der Schafft darthun/vnd mit wolgegründten
vsachen erhalten können.

Derhalben hat es gar kein laut noch ansehē/das Ewr Er
wyrd aus Grattiano/oder ein erdichten Gregorio allegirn/
wider der Luterischen fordern vom Concilio/das vil der Apo-
stolischen/vnd geystlichen/vnd Kirchen sargungen/vns dahin
weisen/das man kein Concili/on bewilligung des Papsts/
halten soll.

Das möcht wol sein/wo zu Rom rechtschaffne Bepste we-
ren/das man kein Concili solt halten/su dem man sie nit auch
berüffen solt/sintemal sie vnter den Patriarchen die ersten vñ
für

fürnehmsten sind. Aber das man ein Nacional oder Prouinci
onal Concili/on des Bapsts Bewilligung/ nit halten solt/das
wirt man nymer mer weder mit Apostolischen/ oder andern
Kirchen Regeln beweysen können. Visach/ die Canones setze
man soll in allen Prouinciens des jars zwen Synoden halten/
in andern Nacionen aber/ so oft es die notturfft der Kirchen
erfordert/vnd/das den Canonibus niemant mer verpflichtet
vnd sie zu halten schuldig sey/deñ der Stul zu Rom.

Aber wir wöllen es setzen/es sey also von alters her georde
net vñ bschlossen/dz on des Bapsts verwilligung/kein Nacional
Concili sol gehalten werden (wiewol man solchs auch von
General Concilien nit kan beweysen) so mus man dennoch/
dis für billich vnd recht erkennen/ wo man gewiß wesse (wie
yetz leyder yederman weys) das der Bapst auff seinen forteil
der Kirchen zum schaden vnd nachteil/kein Nacional Conci
li erlauben wolt/das man jm/im selben fall/nit sol gehorsam
leisten. Visach/ es soll ye kein mensch einigen gewalt haben/
vil weniger brauchen/der Kirchen schaden zu thun. Es ist al
les der Kirchē/ auch Cephas selb/Apollo vnd Paulus/vñ die
ganze welt/ Derhalbē sol yederman mer an der Kirchen heil
vnd wolfart/deñ sonst an aller welt gelegen sein/vnd soll wed
des Bapsts noch einiger Creatur auff erden gewalt so groß
sein/das sie ein Nacional Concili wehren wolt/wens der Kir
chen heyl vnd wolfart erfordert.

Nun ist es ye on alles widersprechen war / das es mit der
Kirchen nie jemerlicher / noch ellender gestanden hat/deñ ye
zundt. Bapst Adrianus hat durch sein Botschafft auff dem
Reichstag zu Nurnberg selb bekennet/es sey der ganze leib
der Kirchē/von der scheytel an bis zum fußsolen/ verderbt vñ
schadhafft. So ist dis auch gewis/das niemant der Kirchen
mer schadens thut/deñ die/so an jm selb böß vñ entwicht sind/
vnd dennoch bey yederman das ansehen vñ den namen habe/
das sie heilig vnd from sind/ wie wir Pfaffen/so zum Kirchē
dienst verordnet werden. Derhalb so es ye not gewesen ist
durch ein Nacional Concili zum rechten Gottes dienst vnd
D Besserung

besserung der Kirchen zu helfen/so ist für war yetzt die größte not/Vñ ist gewiß/das alle die/so zu solcher artzney die Kirché nit komen lassen noch dazu helfen wöllē/mit nichten anderst vñgehn/dēn wie sie die Kirché gar verderben vñ verwüsten mögen.

So ligt es nun an dem/ob der Papst in der sachen/sich ent weder wie ein Wolff/oder wie ein Hirt halten wöllē. Will er ein Hirt sein/wie dēn sein ampt vñ bernff erfordert/so sol vñ kan kein ding auff erden jm lieber noch angenemer sein/dēn das wir vnsern Kirchen rechtschaffen helfen/vnd vns nach Gottes wort vñ der heiligen Vetter ordnungen halten. Will er aber ein Wolff sein/so sollen die schäflin Christi jm nit hörē/Sonder als iren vnd des Herrn Christi höchsten feind/fliehen. Nun wissen ewr Erwirde bas dēn ich/wie zu Rom aller ley grewliche laster vnd sünden on allen schew/im schwanck/vnd öffentlichen gehn. So nun der Papst seinen willen dazu nit geben will/dz wir Teutschen vnsern Kirchen selb helfen vnd reformirn sollen/wirdt ye ein yeder fromer biderßman müssen bekennen/der Papst thv solchs darumb/das er lieber sehen wolt/Gottes reich lege bey vns gar darnider/dēn das seiner tyranny etwas solt entzogen werden.

Derhalben/es sey dan wir haben selb lust zu vnserm eygē schaden vñ verderben/so sollen wir Teutschen mit allem fleis dazu thun/es messe jm der Papst für gewalt zu wie er wöl/es gestatte jm auch des selbē gewalts aus vnwissenheit/wer da wöllē/das man amz fürderlichsten durch ein freyes vnd heiliges Concili suche/welchs die rechte reine ler Christi/vñ die beste Kirchen ordnung sey/vnd yederman die selben mit hertzē anneme/vnd was dem selben in der Kirchen bis her vngemēß gewesen/das man on einiches hinderlich sehen/das selbe fallen lasse vnd endere.

Eben dise meinung hat es mit dem/dz ewr Erwirde schrey ben/dis sey ein gemeiner handel/derhalben wolle es sich nit leiden/das ein wenig Teutschen darin handeln/vnd ein endung nit machen wolt. Dēn dis ist der Luterischen meynung
nicht

nicht/dz man endern solt/was vorrecht vnd wol geordnet ist/
oder das man etwas neues solt ordnen/so zuvor vom heilige
Geist in der Kirchen nit geordnet ist. Sonder dis ist ir meyn
nung vnd begehrt/das sie das wider annemen vñ auffrichten
mögen/dz vnser lieber Herr Christus in sein wort befolhen/
vnd vns zur seel seligkeit von nöten ist. Dis nun/an welchem
so hoch vñ vil allen menschen gelegen ist/das hat ein yder für
sich self macht/ja auch befeih/anzunemen vnd auffzurichten/
ob gleich die ganze welt dawider wer/ich geschweig das es ein
ganze Nacion für sich self nit solt macht haben. Wir sind alle
vnfers lieben Herrn Christi Jesu/des selbigen aber ist die gan
ze welt/Verhalben wirdt niemandt einige billiche vrsach mö
gen erdencken noch herfür bringen/das man den Luterischen
ein Nacionaal Concili/oder sonst ein ernstes gesprech vñ vnter
handlung/abschlagen noch wegern möge / Sonder ein yede
Christen/vnd vns Geistlichen sonderlich steht es zu / wo vnd
weñ wir können vñ mögen/die so in irthumb seind/durch rech
te ler/auff den rechten weg zu weisen/vnd bedes/vnser ler vñ
lebens/yedermā dar es begett/willig vnd gern rechen schaffe
zu geben/wie es den alweg in der Christlichen Kirchen von d
Apostel zeit an/bis in die tausent jar vnd drüber gehalten ist.

Weil man den nu zum bestendigen friden nit kan komen/
man sey den vor/der Religion vñ des glaubes halb vertrage.
Widerumb weil es so fehlich ist / die sachen auff ein krieg zu
stellen/so beger ich von ganzem meinem hertzen/dz man ent
weder ein Nacionaal Concili halten/oder sonst auff ein Tag/
durch ein fridliche/freundliche vnterhandlung / mittel suchē
wölle/auff das wir vntereinander zu friden sein/vñ ein recht
schaffene Reformation der Kirchen haben mögen.

War ist es/das ewer Erwyrd melden/es sey dem Papst nit
ernst/das er ein General Concili wölle halten/Sonder/ob er
sich gleich eins zuhalten erbiette/das solchs nur allein gesche
he/das ein verzug in die sachen komen/vnd er sich ein zeitlang
fristen könne. Dz aber ewer Erwirde solchs für ein hohe weiß
heit rhümen/vnd es dafür halten/weñ man ein Concili haltē

wolt/das solchs vnserm stand zum nachteil gereichen/vnd es
sonst dem Vepflichen gewalt entgegen sey/sich einer solchen
versamlung vnterthenig zu machen. Da von können sich
ewer Erwirde wol erinnern/dz mein meinung alweg anders
gewesen ist. Den wie ichs oft hab angezeigt/vñ yetz in disem brie
se wider thue/steht es vmb vns Geistlichen dermassen/das
wir so ein ergerlichs schentlichs leben führen/vñ vns yedermā
derhalben/vnd sonst so bitterlich feind vnd gehessig ist/das es
gar vnmüglich ist/das wir solchs vnser leben vñ wesen/durch
Got/oder durch die leut erhalten können / wo wir vns einer
Reformation erwehren/vnd die selben nit dulden wöllē. Wi
derumb/so wir vns dahin begeben/vnd dazu helfen/das die
ler recht angerichtet/vñ ein feine Kirchenordnung/dem wort
Gottes gemess/gestellet wurde/so wurden wir gunst vnd al
lerley guten willen bey yederman spüren / vnd mit ehren bey
dem vnsern mögen erhalten werden. Den es seyen der Luteri
schen/an König vñ Fürsten höfen/ souil da wöllē/Es seyen
vns die Leyen so feind sie ymer wöllē/ yedoch ist gute ja ge
wisse hoffnung dabey/wo wir vns mit ernst an die warheit/
an die billigkeit/vnd vnser ampts vnd beruffs erbarkeit be
geben/wir wolten sampt dem vnsern/wol vor allem gewalt/
sicher vnd befridet bleiben. Den die warheit wirdt bey vns
stehn vnd obsigen/vnd die vnbilligkeit sampt allem gotlosen
fürnemen/nus der gerechtigkeit vnd gotseligkeit weychen.

Das kan ich aber in keinen weg ewer Erwirde zu lassen/dz
es der Monarchey vñ dem gewalt des Papssts entgegen sey/
das er den vnterthanen ein Concili erlauben solt. Den den vn
terthanen verbieten/das sie nit zu hauff komen/vnd von sol
chen treflichen sachen sich nit bereden möge/ steht nit den Mo
narchis/sonder den Tyrannen zu. Den ein Fürst / wie wol er
seins dings allein mechtig / vnd ein Monarcha ist/doch so er
will ein Fürst/vnd nit ein Tyrann sein / wirt er keinen schewen
ab dem haben / das er sein vnterthan oft in hendlen zu rath
nimpt/ Ja er wirdts nicht allein gern bewilligen vnd erlau
ben / sonder auch selb jnen Täge ansetzen / auff das er desto ee
erlernen

erlernen möge/was ein yeder gesinnet sey. Nun wil icho seze/
als sey es war/das der Bapst/vnter Christo sey ein Monarcha
der Kirchen/der alles allein in seiner macht hab/vñ der oberst
sey (welchs doch nie keiner aus den heiligen vetteren zugelassen
het) dennoch weil er solche macht vber die freyen Christen hat/
vnd ein yeder Christ ein glied des Herrn Christi ist/vñ sein sond
gab von Got hat. So d Bapst ein rechter Apostolischer Bapst
wil sein/nach dem exempel der Aposteln vnd heiligen Bischof
fen/so wirt er nit allein gern ein Concili/wo es d Kirchen not
erfordert/erlauben/sond auch selb die Fürsten darübs ansuche/
vñ bittē/das sie selb ein Concili ansetzen/vñ dazu helffen solle.

Weil nun die Kirchen in allen Nationen/so in gang Eu
ropa sind/so ser verderbt vñ zer fallen seind/so solt ye d Bapst
nu ein lang zeit her vmb nichts mer gesorget/noch sich angeno
men haben/den dz die fürnemste in einer yeglichen Nation/
vñ sonderlich was gelerte/gotssfürchtige/frome menner were/
zusam gefordert wurden/vñ bey einander drob rathschlagete/
wie man die Kirchen bessern vñ inen helffen könt/ Das hieß
nit die leut mühen/wie es ewr Erwirde heist/wurde auch da
mit seinen wyrden vñ ehren nichts entziehen/Sonder er wur
de also andern leuten ravn vnd platz geben/dz sie dem Herrn
Christo vnd seiner Kirchen zu nutz dienen könten/welchs on
zweifel den Christen das liebste vnd best ist. Je mer der Bapst
sich also herunter liesse der Kirchen zu rathen vnd helffen/ye
mer wurde er sich empor heben/vnd von allen Christen desto
mer geliebt/gepreiset vnd gelobt werden.

Das ewr Erwyrd auch melden/der Bapst sey vber die Con
cilia/vnd hab macht alles was in Concilien gehandelt vñd be
schlossen/das ers zu ruck treiben vnd cassirn möge/das ist ein
newer vngegründter behelff. Petrus/Apollo/Paulus/vñ die
gang welt ist der Kirche/Die Kirch aber ist allein Christi/vñ
weder Speters noch einicher creatur. Item die Apostel selb
rühmen vnd nennen sich anderst nit/den der Kirchen diener.
Nun ist es vnlaugbar/dz der diener nit ist vber den/welchem
er diener. Daher sihet man in alten Historien/dz die Bepst sich

willig den Concilien vnterworfen/ vnd das für ein lesterung
in den heiligen Geist gehalten habē/wo einer das/so im Con-
cilio beschloffen/cassirn vnd auffheben/ oder die heiligen Ca-
nones vnd Regeln entweder selb vberschreiten/ oder andern
dawider zuthun erlauben wolt.

Ewer Erwirde wissen den spruch Zozimi/Des Bapsts ge-
walt kan noch mag nichts/weder erlaubē noch endern/ wider
die satzungen der heiligen Vetter. So müssen die geistlichen
Recht selb bekennen/das der Bapst eben als wol/ als andere
Christē/dem gesetz Christi vnterworfen sey/ da er spricht: So
dein bruder wider dich sündiget/so für in besonders/vñ straffe
in zwischen dir vnd im r̄.

Dis alles wurde ewer Erwirde müssen bekennen / das es
war sey/so fern sie der heiligen Vetter schrift mit ernst lesen/
vnd der sachen mit fleis nachdencken wölten/wie ich den ewer
Erwirde zu solchem ser oft vermanet hab / vnd noch thue/
Vnd ist mir kein zweiffel / wo ewer Erwirde mir in solchem
volgen wurde/das ewr Erwirde wurde müssen bekennen/
man solt im Teutschen land / auff das fürderlichst ein Nacio-
nal Concili halten/ es sey gleich dem Bapst oder der gan-
gen welt lieb oder leid. Item das der Bapst/so er anderst sei-
nem ampt wil gnug thun/mit allem vleiß darzu helfen vnd
rathen sol/das General vñ National Concilia/ nach einer
yden zeit vnd sachen gelegenheyt/gehalten werden/ vnd das
er sich vnd die seinen gar nichts beschweren sol/wo das Conci-
li/sie/gleich wie andere auch/reformiren/vnd aller schand vñ
laster wehren/vnd die Kirchen recht nach dem wort Gottes
anrichten wurde.

Darumb wil ichs yetz bey disem wenden lassen (weil d̄ bot
wegfertig ist) dz mein höchste begird dis ist/dz wir Geistliche
doch ein mal vnser leben vnd stand darnach führen mögen/dz
die warheit vñ billicheit auff vnser seyten sey/ den in der war-
heit/vnser leben vnd stand/wie wirs heutigis tags führen/ vnd
ewer Erwid dafür halten/das es ein Concili nit leyden mö-
ge/ist also bede von Got vñ den menschen angriffen / wo wir
nicht

nicht durch ein andere weis/den ewer Erwirde fürhalten/ im
helffen werden/dz es ganz vñ gar fallē/vñ in kürz mus gar
zu scheytern gehn/Den Erwürdiger lieber herr Dechät/Got
ist vnd bleibt Gott/ Christus ist vnd bleibt Christus/vnd hat
all ding in seiner macht/wir Geistlichen glaubens gleich oder
glaubens nit/der treibt vnd tringet vns mit seiner himlischen
krafft / wiewol vnser wenig seind die solchs glauben vnd zu
herzen nemen.

So last vns nun der warheit weichen/der himmel vnd er-
den weichen mus/welche nun lang her/wie ein gewaltige flut
auff vns gedungen/vñ vnmüglich ist/das wir vns wider sie
in die leng legen vnd bestehn mögen>Last vns vil mer erken-
nen die zeit vnserer heimsuchung/ vnd ja bey leib vns wider
Got nit weiter setzen/der so durch mancherley mittel vñ weg/
vns begert aus allem vnglück/das für der thür ist/ zu erlösen/
wir werden dennoch/ob Gott will/haben/dauon wir vns er-
halten/vnd gute geruhete tag behalten mögen.

Wie ich den eben auff dise meynung/ mit ewer Erwirde
vor mermals geredt hab/vnd bin guter hoffnung/ewer Er-
wirde werde solchem allen mit fleis/vnd mer den zuvor nach
denken/den ewer Erwirde hat auch gnugsame ursach dazu/
bit derhalben ewer Erwirde/wölle ob disem langen vñ etwas
heffrigem schreiben / keinen beschwerd tragen / vnd es dem
Herrn Secretario / auch den andern zweyen/ewer Erwirde
mitgesandten/zulesen geben. Damit sey ewer Erwirde Got
Befolhen / Datum zu Speyr/am tag Bonifacij 1540.

Johani St.ewi E.son-
der vertraweter freund.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text at the bottom of the page, possibly a signature or a reference.